

本草匯卷九目次

草部

人參

黃耆

沙參

歲時

肉蓯蓉

天麻

蒼朮

參蘆

甘草

桔梗

知母

鎖陽

白朮

狗脊

七

五

十一

十三

二

四

六

八

十

十二

十四

貫衆 十五

遠志 十七

仙茅 十九

地榆 廿一

紫草 廿三

白及 廿五

黃連 廿七

白微 廿九

黃芩 卅一

巴戟天 十六

淫羊藿 卽仙靈
脾十八

玄參 二十

丹參 卽奔馬
草廿二

白頭翁 廿四

三七 卽山漆
廿六

胡黃連 廿八

白前 三十

秦艽 卅二

柴胡

冊三

防風

冊五

羌活

卽胡王使者冊七

苦參

冊九

前胡

冊四

獨活

冊六

升麻

冊八

白鮮皮

四十

苦寒

冊八

張潔

冊十

劉鑑

冊五

劉鑑

冊三

白柳

冊十

張潔

冊八

劉鑑

冊六

劉鑑

冊四

本草滙卷九

吳門郊西郭佩蘭章宜纂輯

雲間李士材先生鑒定

男 樹睦馨阡 姪 維均梅在

參閱

外姓 李

草部

人蔘

音一參

性溫味甘微苦氣味俱薄浮而升陽中之

陽也

又曰陽中微陰

入手太陰經生津液而止渴消冷氣而

和中補五藏真陽不足

雖云補五藏必各用本經藥佐使引之

理肺金

虛促短氣瀉心肺脾胃火邪治勞傷虛火上逆本經
主治安神定志者蓋心腎虛則精神不安氣足而神
安矣肝肺虛則魂魄不定氣旺而魂魄亦寧又主驚
悸開心益智者驚悸心脾二經之病也心脾虛則驚
悸強則心竅通利能思而知亦深矣真氣內虛中寒
而痛氣不歸源胸滿而逆皆由心脾之氣虛也得補
則氣實而歸源陽春一至寒轉爲溫否轉爲泰矣本
經謂其療心腹痛除胸脇逆滿者此也別錄通血脈
破堅積者血不自行氣壯則行真氣不足不能健行

遂成堅積脾主消化真陽之氣回則脾強而能消矣

按人參味甘合五行之正性溫得四氣之和原其功益氣居多所以元氣衰弱者服之能回陽氣于垂絕却虛邪于俄頃獨補肺中之元氣肺氣旺則心脾肝腎四藏之氣皆旺仲景云病人汗後身熱亡血脉沉遲下痢身涼脉微血虛者並加人參所謂血脫者益氣也蓋血不自生須得生陽之氣藥乃生陽生則陰長血乃旺也素問云無陽則陰無以生無陰則陽無以化故補氣須用人參血虛者亦宜用之若單用

補血藥血無由而生矣。補上焦之元氣瀉肺中之火。須升麻引用。補下焦之元氣瀉腎中之火。須茯苓引用。同白朮則助其補中。同熟地而佐以茯苓助下焦而補腎。得乾薑則補氣。得黃耆甘草能瀉陰火而補元氣。蓋甘溫能除大熱也。醫者但泥于作飽而不敢用。蓋不知少服則滋壅不行。多則反宣通而不滯矣。好古言人參補陽瀉陰。肺寒可用。肺熱不宜用。節齋因而和之。謂參耆能助肺火。陰虛火動失血之病多服必死。獨不聞東垣云。人參能助元陽。生陰血而瀉

陰火

陰虛生內熱兩一說陽氣下陷而生熱也丹溪言補陰火者非補助火邪正謂陰虛可補龍火

反治補中有瀉意也仲景言亡血血虛者並加入參讀者以意會之可耳

丹溪言虛火可補參耆之屬實火可瀉芩連之屬二

家不察三氏之精微而謂人參補火謬哉夫火與元

氣不兩立元氣勝則邪火退凡人面黃青鰐悴者皆

脾肺腎氣不足可用也面赤而黑者皆氣壯神強不

可用也

丹溪云肥白氣虛蒼黑氣實然考醫案中證虛色蒼者亦每多用正當變當權其施也

脉之浮而芤濡虛太遲緩無力沉而遲瀉弱細結代

無力者皆虛而不足可用也若弦長緊實滑數有力

者皆火鬱內實不可用也。潔古謂喘嗽勿用者痰實氣壅之喘也。若腎虛氣短喘促者必用也。仲景云肺寒而欬勿用者寒束熱邪壅鬱在肺之欬也。若自汗惡寒而欬者必用也。東垣謂久病鬱熱在肺勿用者乃火鬱于內宜發不宜補也。若肺虛火旺氣短自汗者必用也。丹溪言諸痛不可驟用者乃邪氣方銳宜發不宜補也。若裏虛吐利及久病胃弱虛痛喜按者必用也。節齋謂陰虛火旺勿用者乃血虛火亢能食脉弦而數涼之則傷胃溫之則傷肺不受補者也。若

白汗氣短肢寒脉虛者必用也。言聞曰：生用氣涼，熟用氣溫。故土虛火旺之病，宜生參涼薄之氣，以瀉火而補土。是純用其氣也。脾虛肺怯之病，則宜甘溫之劑，以補土而生金。是純用其味也。東垣以相火乘脾，身熱而煩，氣高而喘，頭痛而渴，脉洪而大者，用黃蘗佐人參、孫真人治夏月熱傷元氣人汗大瀉，欲成痿厥，用生脉散以瀉熱火而滋救金水。

生脉散清暑益氣湯乃三伏瀉

火益金之聖藥

君以人參之甘涼瀉火而補元氣，臣以麥冬

之苦甘寒清金而滋水源，佐以五味之酸溫生腎精

而收耗氣皆補天元之真氣非補熱火也若氣虛有

火者合天門冬膏服亦可

虛火卽龍火也此火非水可撲太陽一照火自消弭

爾務資甘溫補陽之劑補足元陽則火自退補中兼瀉瀉中有補正經所謂甘溫能除大熱也海藏

云肺寒可服肺熱傷肺猶爲近理蓋肺寒則血脉濡

滯而行遲假參之力而通經活血則元氣發生而充

長矣肺熱則脉來洪實火氣方逆血熱妄行氣尚未

虛遽用人參反耗真氣惜乎王節齋泥定肺熱傷肺

之說妄謂參能助火陰虛忌服後人執此凡遇勞瘵

槩不敢用病家亦甘受苦寒至死不變良可嘆也殊

不知人參雖能助火惟肺家本經有火右手獨見實
脉者不宜驟用卽不得已而用以鹽水秋石焙過亦
何害哉若夫腎水不足虛火炎上乃形金之火非肺
金之火正當以人參救肺何忌之有故丹溪治勞嗽
火盛之邪製瓊玉膏以爲君肺腎虛極者獨參膏主
之又考之古今治勞莫妙于葛可久未嘗不以人參
治陰傷何世醫之執迷不悟也豈不聞虛勞吐血受
補者可治不受補者不可治故不服參者不能愈服
參而不受補者必不能愈也總之虛羸危怯以致陽

氣短乏。陷入陰分。發熱倦怠。肢體無力。及無氣以動。等證。投之靡不立効。若血證驟起。肺脉獨實。脹證暴成。九候堅強。痧癰初發。斑點未彰。傷寒始作。邪熱昌熾。血熱妄行。真陰虧損。等證。不可輕投也。大抵人生以氣爲樞。真氣無虧。自寧謐清淨。人參不獨補氣而兼益脾胃。故脾陰弱者。同大棗白芍龍眼甘草棗仁補之。胃寒嘔吐。同丁香藿香橘皮生薑。陽虛喘汗。同熟附生薑。虛勞發熱。同銀柴大棗生薑。肺虛久咳。鹿角膠末。用薄荷葱豉湯煎飲。虛勞吐血困倦。當補陽生。

陰獨參湯主之。諸如產後虛症，或發喘，或血運，當隨證用破血順氣藥理之。若中寒泄瀉，則乾薑、草朮不可少也。甚則加肉桂、附子。選上黨者，
今路要肥大塊如鷄腿，併似人形黃色者，去蘆頭用。茯苓爲使，惡鹵鹹、皂莢、反藜蘆。畏五靈脂。見風日則易蛀。背陽向陰而生

也。納瓦罐，雜細辛，密封可久。

參蘆二味苦氣溫。吐虛勞痰飲，敗壅膈膠涎。按人

參入手太陰，補陽中之陰。蘆則反能瀉太陰之陽，亦如麻黃之苗發汗，根止汗。穀屬金而糠性熱，麥屬陽

而熤性涼。所謂物物具一太極者也。凡痰因怒鬱氣不得降。六脉洪數而滑。非吐不可以參。蘆湯探吐。次以參耆歸等與之。稟界弱者。以參蘆代瓜蒂。

黃耆味甘性微溫。氣薄味厚。可升可降。陰中陽也。入手足太陰氣分。又入手少陽足少陰命門。補陰氣內損之脉虛。治陽氣下陷之熱熾。入肺而固表虛之汗。充膚實腠。入脾而托已潰之瘡。收口生肌。固亡陽瀉陰火。扶危濟弱。收耗氣理血虛。形羸必用。本經言理風癰者。經云。邪之所湊。其氣必虛。耆性實表氣充。

于外邪無所容耳。又療諸瘡止痛者其味甘甘得土
之正故能解毒。陽能達表故能運毒走表。甘能益血
脾主肌肉故主久敗瘡排膿血止痛也。別錄謂補丈
夫虛損五勞羸瘦者蓋勞傷元氣陽氣乏絕甘溫益
元氣甘溫除大熱也。東垣所謂黃耆人參甘草三味
為除躁熱肌熱之聖藥故用之

補中益氣湯中為治
勞倦發熱之要劑

又謂止渴腹痛瀉痢者氣旺則

生津故止渴血虛則腹痛中焦不治亦腹痛脾胃之
氣不足則邪客之而瀉痢補中氣則中氣自除矣。又
言益氣利陰氣者陽生陰長故也。甄權謂補腎者氣